






Interrupt – Volkslied

Lehrerinformation



1/2

Arbeitsauftrag 	Gemeinsames musizieren
Ziel 	Die SuS lernen ein Schweizer Volkslied.
Material 	<ul style="list-style-type: none"> • Liedblatt • evt. diverse Instrumente
Sozialform 	Plenum
Zeit 	15'

Zusätzliche
Informationen:

- Das Lied kann musikalisch mit verschiedenen Instrumenten umrahmt werden.
- Weitere Lieder von Mani Matter finden Sie in folgenden Büchern:
Mani Matter: „Us emene lääre Gygechaschte“. Amman Verlag, Zürich 2003.
Mani Matter: „Warum syt dir so truurig?“. Amman Verlag, Zürich 2003.

Interrupt – Volkslied

Liedblatt



2/2

Si hei der Wilhelm Tell ufgfüert

Text und Musik von Mani Matter



si hei dr wilhalm täll ufgfüert
 im löie z'nottiswyl
 da bruuchts vil volk, gwüss ds halbe dorf
 het mitgmacht i däm spil
 die andri helfti isch im saal gsy
 bimne grosse bier
 als publikum het zuegluegt und
 isch gspannt gsy was passier

am afang isch es schön gsy da
 het als stouffacherin
 d'frou pfarrer mit em schnyder greedt
 i wort vo tiefem sinn
 und alls isch grüert gsy: si het dasmal
 nid gseit ds chleid syg z'tüür
 und är het guet ufpasst dass är
 dr fade nid verlüür

uf ds mal churz vor em öpfelschuss
 dr lehrer chunnt als täll
 sy suhn dä fragt ne dis und äis
 da rüeft dert eine schnäll
 wo undrem huet als wach isch gstande
 so dass's jede ghört:
 wiso fragt dä so tumm het dä
 ir schuel de nüt rächts glehrt?

e fründ vom täll e ma us altorf
 zwickt im eis uf ds muul
 und dise wo dr huet bewacht
 git ume gar nid fuul
 und stosst im mit syr helebarden
 eine zmitts i buuch
 da chunnt scho ds volk vo uri z'springe
 tonner jitz geits ruuch

die einte die vo öschterrych
 die näh für d'wach partei
 die andre die vo altdorf für
 e täll – ei schlegerei
 mit helebarde cartonschwärt
 gulisse schlöh si dry
 dr täll ligt undrem gessler scho
 da mischt dr saal sech y

jitz chöme gleser z'flüge jede
 stillt sy gheimi wuet
 es chroose tisch u bänk u ds bier
 vermischt sech mit em bluet
 dr wirt rouft sech sys haar d'frou schinet
 brochni glider y
 zwo stund lang het das duuret du
 isch öschtrych gschlage gsy

si hei dr wilhalm täll ufgfüert
 im löie z'nottiswyl
 und gwüss no nienen i natu-
 ralistischerem schtyl
 d'versicherig hets zalt hingägen
 eis weis i sithär
 si würde d'freiheit gwinne
 wenn si däwäg z'gwinne wär
 si würde d'freiheit gwinne –
 wenn si däwäg z'gwinne wär

